

جريدة محاكم

١٢٩٠

جمعه ايرتسى

نومرو	ربع الاول	سنه	كانون اول	سنه	صفحه
٢٨٠	١٦	١٣٠٢	٢١	١٣٠٠	٢٤٠١

- اشبو غزته بهر هفته جمعه ايرتسى كونلرى چيقار سنه لكى در سعادت ايچون مجيديه
 - يكرمى غروش حساييله التمش غروشدر طشره لر ايچون اون بش غروش پوسته اجرتى ضم اولنور بهر
 - نسخه سى يته مجيديه يكرمى غروش اولوق اوزره يوزپاره به هر يرده صاتيپلور درج اولنه جق اعلانك
 - هر برندن بر مجيديه اخذ اولنور سنه لکنه مشرى اولوق استيانلر عدليه نظارتى دائره سنده كاش
- جریده محاکم اداره سنه مراجعت ایللیدر

قسمت سیمى

(توجیهات عدليه)

بولى سنجاغى مدعى عمومى معاونلىكى شوراي دولت
 مستنطق لغندن مفصل حكمت بکه
 بلقا سنجاغى مدعى عمومى معاونلىكى لازقيه مدعى
 عمومى معاونى محمد افندى به
 لازقيه سنجاغى مدعى عمومى معاونلىكى بلقا سنجاغى
 مدعى عمومى معاونى محمود افندى به
 خداوندكار ولايتى عدليه مفتشلىكى در سعادت
 استيناف محكمه سى جنایت قسمى اعضا سندن سعادتلو
 حسين جامد بك افندى حضرتلر يته
 جزاير بحر سفيد ولايتى عدليه مفتشلىكى محكمه تمير
 جزا دائره سى اعضا سندن سعادتلو اكياديس افندى

حضرتلر يته

در سعادت استيناف محكمه سى اعضا لغنى خداوندكار
 ولايتى عدليه مفتشى سعادتلو تحسين افندى به
 سيواس ولايتى عدليه مفتشلىكى جزاير بحر سفيد
 ولايتى عدليه مفتشى عزتلو ماصم بکه
 در سعادت محاکم استيناف سى اعضا ملازملىكى
 در سعادت اجرا دائره سى غير مختلط قسمى باش
 معاونلککنده مستخدم اوخانس افندى به
 بك اوغلى برنجى واىکنجى حقوق دائره لرى اعضا
 ملازملىكلى در سعادت استيناف محكمه سى حقوق
 قسمنه دوام ايتكده اولان مدرس سندن عبدالرحمن
 افندى ايله اىکنجى حقوق دائره سى باش كاتىبى على
 بکه

مناستر ولايتى استيناف محكمه سى مدعى عمومى يلىكى
 اطنه ولايتى مدعى عمومى سى اسبق عمر فكري افندى به

280

سوریه ولایتی استیضاف محکمه سی مدعی عمومی ملک
بغداد ولایتی مرکز مدعی عمومی معاون عثمان قانق
افندی به توجیه بیورلشدر


قسم غیر رسمی

اسکدار مدعی عمومی سابق جدی بک ایله برادری
جمال بک و پوایس قومیسری عزت افندی و ژاندرمه
اون باشیسی اجداد ایله جانفسجی مهرانک در سعادت
محکمه استیضافیه سی جنحه دائره سنجه اجرا سنه ابتدار
اولنان محاکمه لرنیک مابعدیدر

(دفعه ثانیه ده)

کانون اولک اون اوچنجی پنجشنبه کونی ساعت الی
راده لرنده دائره مذکوره رئیس سعادتلو ابراهیم
بک و اعضا عزتلو غضبان افندی و عزتلو عزت بک
و عزتلو طوماس افندی ایله عزتو توفیق بکدن مرکب
اولان هیئت حاکمه و مدعی عمومی معاونی عزتو
مدوح و ضبط کاتبی بهابکر بو محاکمه ایچون تهیئه
ایدیلان و اولجه مهاجرین قومیسونی او طه سی اولوب
مؤخرأ در سعادت بدایت محکمه سی جزا دائره سنه
موقتاً تخصیص ایدلش بولسان بیوک بر او طه ده
اجتماع ایلدیلر

رئیس بک افندی هیئت ماسه سنک و سطرأ سنده و اعضا
غضبان افندی و توفیق بک صره سیله صاغ طرفنده
و اعضا عزت بک ایله طوماس افندی صره سیله صول
طرفنده و مدعی عمومی معاونی مدوح بک مذکور
ماسه نک صاغ کنارنده و ضبط کاتبی بهابک دخی آنک



محاکمه سنی استماعه مأمور ژاندارمه ضابطی ورود
ایدرک رئیسک امریله طرفین ماسه سنک صاغ طرفنده
محاذی برصندالیه به اتوردی

رئیس - (ضابط موی الیه خطاباً) اسمکز

ضابط - اجد

رئیس - رتبه کز

ضابط - چاوش

رئیس - هانکی طابورده سکز

ضابط - بشنجی طابورک برنجی بلوکنده

رئیس - (ضبط کاتبه خطاباً) کینکی محاکمه نک

ضبطنی او قوی بکز

ضبط کاتبی - ضبطی او قومغه باشلار

بو صره ده طیشاروده تعمیرات ایله مشغول اولان

نجارلرک کسر صداری واز دحاک کور لتیسی

ضبطک ایشیدلسنه مانع صورتده زیاده شمسیله

رئیس بک افندی قیونک قیامتینی امر ایدرک قیوقیانور

سس کسپلور

ضبطک ایککی صحیفه قدر محلی اوقنور اوقنماز

قومیسر عزت افندی قننجی بلنده اولدیغی حالده

ایچرویه کیر اجداد و باشینک ارقه سی حذاصنده طورر

رئیس بک - (جدی بکک یاننده برر کوسترک)

اتوریکز

عزت افندی - بر طور سربستانه ایله صندالیه به

اتورر

ضبط کاتبی - ضبطنامه بی او قومغه دوام ایدر

جدی بک - (افادات مضبوطه سنک قرائتی ائنده)

رئیس افندی حضرتلری ضبطده اون برده

خانه مده بولندیغی محرردر حالبوکه قیودن اون برده

چیقدم اون بر بچقده بنده خانه کزه کلدیم دیمش ایدم

ذاتا قیوایله بنده خانه کزک ازه سی تام یارم ساعتدر

یاککش ضبط اولمش تصحیح اولنسون

رئیس بک - سزه سؤال وقوع بولدیغی وقت سویلر
سکز . ضبطه دوام اولنور

رئیس بک - عزت افندی طوغری اتوریکز

طوپلانکز . عزت افندی طوپلانور و قننجی ارقه

سنه طوغری اوزادر

(رئیس بک افندی عزت افندی قننجی حسبالموقع

کور مامش اولمیدر)

ضبطنامه مفصل اولدیغی جتمله بهابک یکریمی دقیقه

قدر او قودقون صکره رئیس بک افندی ک اشارتیه

میر موی الیه قالقوب اولجه استحضار ایدیلان ضبط

کتابه سندن محمد بک ایله تبدیل مکان ایدرک ضبطی

میر موی الیه او قومغه باشلار

ضبطنامه نک قرائتی اون بش دقیقه صکره ختام بولور

محمد بک قالقار کیدرینه بهابک صندالیه سنه کچراوتورر

رئیس بک - (مظنون علیهمه خطاباً) کینکی محاکمه

کزک ضبطی او قوندی نقصانی واری

جدی بک - ایاغه قالقهرق ساعت اون برده اومه

دکل ایدم و اوله دیمدم محکمه دن اون برده چیقار سه م

اوه اون بر بچقده انجق کلیم . برده جدی بک

سنیسین دیه تکرار تکرار سؤال اولندی بوجهتی

ضبطده نقصاندر و کیدر اونه ایله اورمش کتورک

سوزلری فضله در

رئیس بک - جمال بک سنک برده جککز

جمال بک - قهوه ایله عربه جیلرک طور دیغی محل بردر

اسکله دن عودنده عربه جیلر دن صورتق اوراده

عربه یوق ایدی بشقه دیه جکم یوقدر

رئیس - اجداد و نباشی افاده کز تمامی بوخسه اکیسک

برشی واری

اجداد و نباشی (باشنی صالایه رقی) برشی یوق

رئیس بک - عزت افندی سنک دیه جککز واری

عزت افندی - تمام مدعی عمومی - جریده محاکم ایله محکمه نك ضبطی باینده برقاچ مسابنت وارد (مباینترک بریسی) مهران جدی بک خانہ سنہ کندی وقت جانفس استندیکنک حرم چوجنی علی واسطه سیله صورلدیغنی سونلدم یالکز جانفس استندیکنی سونیلدم علی واسطه سیله صورلدیغنی جدی و جمال بک کرک افاده سنده وارد (دیگری) مهران خانہ دن چیقہ رق برقاچ کره خانہ نك پنچره لرینه باقہ رق پیاسه ایتدکن صکره کیدر مؤخرأ مهران عربہ دن اینوب غازیو یہ کیدر کیکی ژاندره اونباشیسی اجد کوروب اولجه وقواتی جبال بکدن ایشتمی اوزرینه مهرانی قالدیرر دیمدم . خانہ دن چیقہ رق صکره کتمش اولدیغنی باغسل باشنده کی فہوہ خانہ یہ اجد اونباشی کلوب کندیسنی قالدیردیغنی سونیلدم (برده) استیناف مدعی عمومی معاونی جدی افندی خانہ سنہ مشابہت اسم سیبیلہ کتیبوب مهرانک طوغریدن طوغری بہ جدی بک خانہ سنہ کندیکنہ دار اولان ادله بی بو باده بدرجه یہ قدر بحث جریان ایتسی جهتله تفصیلاً بیان ایلدم کہ ضبطنده محرردر مراجعتله تصحیح ایدلسون

مدوح بک محاکمه ضبطنامه سنده محرر اولدیغنی سونیلدیکی افاده سی بودر (جدی بک افاده سنده مهرانک معاون جدی افندی خانہ سی دیو سوال ایتدیکنی هفته یہ جمعیت اولدیغنی حسیلہ کلام دیدیکنی بیان ایتکده ایسه ده مهرانک طوغریدن طوغری بہ جدی بک خانہ سنہ کندیکی وحی بومراجعتی تعدد ایلدیکی وقیونک اوکنده برقاچ کره پیاسه ایتدیکی متواتراً ثابت اولوب فی الحقیقه مرقوم مهرانک معاون جدی افندی خانہ سی دیو

ارامش اولسی لازم کلسه ایدی ایتنجی دفعه اوله رق مراجعتله حاجت قابوب همان برنجی دفعه کی مراجعتنده تصحیح ماده ایلدیجکی شهبه سزدر . هر نقدر جدی بکک بو افاده سی آتی به عائد ایسه ده بو باده شایان ابضاح برقاچ جهت وارد چونکه مرقوم مهرانک پاشا قیومی مدعی عمومی اوچنجی قسلی جدی بک خانہ سی دیو سوال ایتسی و بانخاصه جدی بکک لقیبیلہ معاون جدی افندی لقی وحدی بکک مدعی عمومی صقیله جدی افندی معارن صفتی مشابہت اسم و صفتی برطرف ایلدیجکندن جدی بکک افاده سنک بوجہتی ظاهر حال مکیدر رئیس بک - قولولیان افندی ضبط دیکلدیکر اکسیک برشی وارسه سوبلیکر قولولیان افندی - اولجه عرض ایلدیکم برشی وارایدیکه ضبطه بکمامش رئیس بک - ندر قولولیان افندی - اوراق دعوائی بطالعہ ایدہ جکی و مؤکلم حقوق شخصیه سی استندا ایدہ جکی سونلشیدم ذاتاً اقامہ دعوی ولتمشدر استداسیده حاضردر فقط رئیس افندی حضرتلری ایلک اخشام بووقه ایچون یاپیلان ژورنال زده ایسه بولسونده اوقونسون

رئیس بک - (ضبط کاتبه) بولکرز جدی بک - حقوق شخصیه لرینی ادعا ايسونلرده صکره ژورنال اوقونسون قولولیان افندی - بن وکیل مؤکلمک حقوقنی محافظه ایچون اوراتی تدقیقه حقم وارد جدی بک - وکیل افندی دیور لکه مرکنک حقوقنی محافظه ایچون اوراتی تدقیقه حق وارمش بزده حتی یوقدر دیمورز دعوائی تصویر ايسونلرده ژورنال صکره اوقونسون

اسعد افندی - حقوق شخصیه لرندن طولایی دعواری نه ایسه اکلايه لم قولولیان افندی - وکیلی سوبیلہ جک ایسه کندی سونلسون

رئیس (ضبط کاتبه خطاباً) ژورنالی اوقویکر ضبط کاتبی التونی زاده مرکزی قومیسری محمد عزت امضاسیله ممضی و مهور وفی ۱۵ اغستوس سنہ ۳۰۰ تاریخیه مورخ اولان ژونالی اوقور قولولیان افندی - دعوی اوج قسمة منقسمدر و بونلر قابل تقریق دکلدیر بوده محکمه علیه کزده طونلش اولان ضبطنامه ایله معلومدر برآمد دیرسه که بو آدم مالیمی چالیدی بنی دوکدی محکمه برکره مظنون علیہک یوزینه باقار سارق و یا ضارب چهره سی وارمیدر آکلار دعوی واقعه نك اسامنه سوز سونلکه تأدب ایدرم (مهرانی کوسترک) شو آدم دوکیلور عجا خسز میدر بوخسه قالدیر و یاخود محفل ادب برحرکنده می بولتمشدر فرض ایدہ لم بویله اولمش اولسه بیلہ جدی بکک محکمه لره مراجعت ایدرک قانون دائره سنده مؤکلی مجازات ایتدیرمیسی لاز مکلور دی جدی بک مدعی عمومی اولوب حقوق عمومیه بی محافظه وظیفه سیله مکلف اولدیغنی حالده خانہ لرندہ وقوعبولان ضرب معامله سنی مع التأسف سونلکه مجبور اولبورم اجد اونباشینک مؤکلم طرفندن دوکدیکنک اصلی یوقدر مهران جانفسجیدر کبارلرک و بولکرک خانہ لرینه کیدر فرض اولتمز که جانفسجی کی کورجکی کی اصنافک قوناقلره کتمسنده ممنوعیت اولسون فرض محال اوله رق بک افندی حرم محترمہ لرینه جانفسک لزومی یوق ایدیسہ لزومی یوق جوابی ویرلسه ایدی نه لازم کلور دی بویله اویمه نیچون کلدی دوکرم پتاقلم کی شیلر اولورمی مؤکله اجد اونباشی بی اوردک دوکدک دیلمی اجد اونباشینک عسکر اولدیغنی

ایچون ضارب بک جزاسی بولک اولدیغندن مؤکلی شدیدا مجازات ایتدیرمک ایچوندر باقیکرزه درجه ده نضیعدر مهران جدی بکک خانہ سنہ کیدر بندن موستره الدیلر ایستیرمی جانفس دیر استیز جوانی الور طیشارو یہ چیقار کز روبو کایم مانع اوله بیلور اگر قبا صقال زققلری کی محلہ اره سنده سکر اون کره کزمش طولاشمش اولسه ایدی بر درجه یہ قدر شهبه اولنور ایدی فقط بک افندی بک محلہ سی سیرانکاه بر محلہ در هرکس سر بست کزیمک ایسترایسه بنم قیومک اوکندن کچدک دیو چاغروب پتاقلسون وقباختنی ستر ایچون اجد اونباشی بی دوکدک دیو برده ژونال ویر دیرسون بوروای حقیمیدر بچله نك معلومی اولان باغلباشی کی بریده هرکس کیجه کوندز بویله بر زمان عدالتده کزه بیلور ادب دائره سنده کرنی پیاسه ایدنی کیم منع ایدر (مهرانی کوسترک) باقیکرز شوکا بوادم دوکه بیلورمی کندوسننه بوصفت وارمیدر برده (مظنون هدیهدن عزت افندی ایله اجد اونباشی بی کوسترک) بونلره باقیکرز اجد اونباشیده طیباق یہ جک حال وارمی درت آدمی طوتار ضبط ایدر

بوصره ده سامعین میانده بولنان دعوی وکیللرندن اسماعیل افندی اجد اونباشینک یانته کله رک قومیسر عزت افندی ایله اجد اونباشی طرفندن وکیل اولدیغنی بیان و بونلرده توکیل ایلدکارینی اتیان ایلکله رئیس معامله تسجیلده نك ايفاسنی امر ایدر واسماعیل افندی اجد اونباشی ایله مهرانک اره سنه کچر اوتورر

رئیس بک افندی - (قولولیان افندی به خطاباً) سوز یکره دوام ایدیکر قولولیان افندی - اوقونمش اولان ژورنالنده

اکلاشیلور که بوايش نه درجه ده تضييع ايدلشدر درميان اولنان ادنانک مضع اولديغی اجد چاوشک (اجد اونباشينک) قرار يله تين ايدر اولجه محکمه ده اقرار ايدليکي کي استنطاق دائره سنده ده افاده سي واردر

اسعد افندی - رفيقمز قولوليان افندی مؤکلنک حقوق شخصيه سيني ادا ايدبور يوخسه اجد اونباشينک مضمونينه دائر مدافعه سي ايدبور قولوليان افندی - بودعوانک برندن تفریق قابل دکلدر

مدعی عمومی - محکمه حکایه طریقه دکلور ايسه بر باس بوقدر رئيس بک - (اسعد افندی به خطاباً) سزه عاند بوظیفه دکلدر

قولوليان افندی - رفيقمز افندی افاده مزه دقت بوسونلر نه اولديغی اکلارلر اجد اونباشينک استنطاقنده برسوزی واردرکه مؤکلی دوکلرینی قیامتی افکار يله اجد اونباشی فی ضرب ایلدیکنه دائر بر دعوی تصنیع ایلدکلری اکلاشیلور اجد اونباشی دیرکه (اولجه جال بکله فستقلیده بردوکنه کندک اخشام عودت ایتدک جال بک خانه سنه بنده قره غونخانه به کتدم جال بک خانه سی قپوسنک تعمیر یله مشغول بولسان دولکلرلک یاننده اوطوردی بنده قره غولده اوطوردم) و صکره سو یلرکه (بن قره غونخانه ده اوطورمقده ایکن جال بک کلهرک مهراندن شبهه ایتدم در دست ایدیکز دیدی) حالبوکه جال بک خانه سی ایله قره غونخانه نك اره سنده یکر می یکر می بش آدملیق مسافه واردر . اجد اونباشی برنجی دفعه کی افاده سنده (مهرانی کوسترک) بو آدمی جال بکله جلدی بک خانه سی بوسمیدر ديه صورتی صروده

در دست ایتدم دیمش وایکنجی دفعه کی افاده سنده مهرانی فرار ایدر ایکن طوندق دیمش و او جیجیسنده ايسه قهوه ده اوطورر ایکن چاغردقی دیمشدر مؤکلم جمال بکله جلدی بکک خانه سی بوسمیدر دیو صورتی صروده در دست ایدلی ندن لازم کلور اگرچه بویله بر یسنک خانه سی صورتی سوء ظنی دعوت ایدر ايسه او وقت طومق لازم کلوردی حالبوکه مؤکلی قهوه دن چاغردق بینی شهود شخصیه ایله اثبات ایده جکر معلوم احسانلر ایدر رئیس افندی حضرتلری ایشده شمعی مبانیت حاصل اولدی خانه سی صورتی صروده طوندق بشفقه در قهوه خانه ده اوطورر ایکن طوندق ینه بشفقه در دیمک که مبانیت واردر دعوا یه در جهرنگ ورمشکرکه مؤکلی فرار ایدر ایکن طوندق دیمشدر مؤکلم قهوه خانه ده اوطورر ایکن چاغرملری اوزرینه بندن نه ایستبورسکرز دیمش مدعی عمومی ایستبور دینجه جلدی بکک خانه سنه کتمش بن اولسه م کتز ایدم او بشفقه جهت مؤکلی ضرب ایتدکلری اثساده فریادی اوزرینه قپونک اوکنده ایکی ارچیوز کشی وارمش صکره اوچ کشی قره غولی باصمش دیورلر حالبوکه بوده کندورینی قورنارمق ایچون برصنیه در

اسماعیل افندی مؤکلرندن عزت افندی کندوسنک یانته کلینی استدی قولوليان افندی - (اسماعیل افندی به خطاباً) سن آنک یانته کیت دیدی

اسماعیل افندی - (قولوليان افندی به) سن نه قاریشبور سن بن محکمه به سو یلدم رئیس بک - سز بورایه غوغایه می کلدیکر محکمه ده بویله شی اولماز سنری قانونه دعوت ایدرم) بوارالق عزت افندی وکیللی اسماعیل افندی ایله اجد اونباشينک

اره سنه کلوب اوطوردی

قولوليان افندی - سوزینه دوامله جلدی بک مؤکلنک قره غونخانه بی باصدی دیمسی بریوک سوزدر پادشاهک قره غونخانه سی باصدیلر دیمک عادتاً دولته عصیان ایتدیلر دیمکدر جلدی بک بویله برشیی ترویج افکار ایچون سویلیور بونی کیمسه قبول ایتز بونلر هبسی تصنیع ایدلش شیر اولدیغی تین ایدر برشاهدک کندوسندن سوال وقوعنده یمن ایدرک شهادت ایده جکی حکم قانون اقتضاسندن بولندیغی حالده اجد اونباشی دعوت و سوال وقوعبولق سزین حاشا جلدی بک مهرانی دوکلدی دیو جلدی بکک تبریه سی التزام ایدوب ایجابی تقدیرده یمن ایدجکینی دخی سونلشدر بافکر حرصی نه درجه یه وارمشدر که یلان ره یمن ایده جک

وکیل اسماعیل افندی - مؤکلم اجد اونباشی یلان ره یمن ایده جک دینلیور بوسوز مؤکلنک صفت رسمیه سنه طوقنور

جلدی بک - اقدم سوزمز استماع اولتمبور وکیل افندی (قولوليان افندی) اگر حقوق شخصیه لریته دائر سوز سویلیور ايسه اکا کوره مدافعه ایدلم بوق مؤکلی (مهران) اجد اونباشينک ضاربی اولدیغی مدافعه ایده بوسه سویلسون نه اولدیغی اکلا به میورز

مدعی عمومی - قولوليان افندی نك روش افاده سندن مدافعه ده بولندقلری اکلاشیلور رئیس بک - بونلری صره سی کلدیکنده صورارز (قولوليان افندی به خطاباً) سز دوام ایدیکز قولوليان افندی - جلدی بک افندی سوزمزی اکلامق ایستبور لرقط محکمه علیه کز هم اکلابور همده دیکله بور بزه لازم اولان شیده بودرم مؤکلم علیهنده اولان شاهدک اولجه تمامیه اسم و رسمینی

تصریح ایدمیوبده بیلمدیکم وکورسه م طایه جغم برآدم ایدی دیمسی ثم التدارک برشاهد اولدیغنه دلالت ایتزمی بیلورسکرکه برآدم شاهدک شخصی تعین ایتلی بویله دیمک ثم التدارک شاهد تدارک ایده جکم دیمکدر طایه جغم دیدکلری شاهدک استماعی جائز دکلدر

رئیس بک - شونقطه یه قدر سویلدیکر سوزلر اجد اونباشينک مدعی شخصی اولدیغی ضرب ماده سنه دائر در دکلدی

قولوليان افندی - (اوت) مؤکلی جلدی بکک اونده دوکش اولدق قری حالده کندو قباحتلرینی قپاتقی ایچون مؤکک اجد اونباشی فی ضرب ایتدیکی دعوا سی تصنیع ایتدیلر حالبوکه مؤکلم ناموسلی برآدمدر کندو افاده لرنده بر مبانیت ده واردر اولجه یعنی کجکی محاکمه ده جمال بکله اجد اونباشی مؤکلم مهرانی تعقیب ایتدکلری حالده بویله میه رق عودت ایتدکلرینی سونلشدر و اخیراً تحویل لسان ایده رک مهرانک جلدی بکک قپوسنک اوکنده بوارلندیغی سویلیورلر ایشته بوراسی جای دقتدر سرخوش اولوب بوارلنمقده بولنان برآدمی طومق مشکلمیدرکه مؤکلی تعقیب ایتسونلر ده بوله مسونلر مدعی عمومی نك ادانا مده سی ایچنده برشی واردر اوده جلدی بکک جلدی افندی به سونلش اولدیغی سوزلدر معاذالله مهران جلدی افندی نك اوینه کتمش اولسه ایدی جلدی افندی قانلی اولوردی دیمش یعنی بوزاتک حرم عالیلری اسکدار دهیم دیو دعوت ایتش و بونی اوحدندن صکره جلدی افندی به خطاباً سونلش بوايسه مؤکلی ضرب ایتدیکنی تأویلاً اقرار دیمکدر یعنی بن تقدیر صبرلی و حلیم آدمم که یالکز ضرب ایتدم جلدی افندی اولسه ایدی قتل ایدردی دیمکدر مؤکلم اسکدار مدعی

عمومی مدعی بک خانہ سنہ کیدر یعنی (جدی بکی کوسترک) بوافدینک خانہ سنہ کیدر سببی ایسہ چارشوبہ ایکی خاتم کلور مؤکلک دکانده جانفسله بقارلر و براق کونه قدر اکر بزکله من ایسک سن باغرا باشی جاده سنده او چچی قفسلی اوه یعنی اسکدار مدعی عمومی جدی بک خانہ سنہ کل دیمزلدن نشأت ایشدر باقکزه مؤکلک جدی بک خانہ سنہ کتسندن اولقدر متأثر اولمشدر که جدی افندی حقنده اوله رق اکر اورابه کتمش اولسه ایدی جدی افندی برده قائل اولوردی دیشدر بوايسه حرصلرینک نه درجده اولدیغنه دلالت ایدر کندوسی مدعی عمومی اولوب دائماً قانون ایله اشتغال ایلدیکی جهته قانونک احکامندن خبردار اولیان آحاد ناس کی خفیف جزایله مجازات ایدیله میه چکی طبیعیدر صادی برآدم بشقه برآدمی دوکرسه مدعی عمومی اقامه دعوا ایتک لازمکلورکن مدعی عمومی نه حتی وارکه اوینه آدم کتورسونده اونباشی وقرنداشی ایله دوکسون مؤکلک خرسز میدر بوخسه قائلیدر فرض محال اوله رق اولسه بیله محکمه وار محاکمه وار اورالره مراجعت ایدلک لازمه ایشته بوآدملر مؤکلکی دوکش اولدقلمر بنی شاهدلره اثبات ایده حکمدن ضرر وزیانک تضمینیله برابر احد اونباشی بی ضرب ایلدیکنه دائر اولان ادعادن طولانی برائته قرار ویرلسنی طلب ایدهرم رئیس بک - (جدی بکه خطاباً) بوکا قارشو دیه جککز

جدی بک - وکیل افندی مالایینی سویلیورسوزلری حشورالدر مهراندن سؤال بولرسون مادامکه چارشوبه ایکی خاتم کتمشده جدی بک حریمی

دیش و خانهلرینک باغرا باشنده اولدیغنی سولیش واکر بزکله من ایسک سن صکره اورابه جانفس فاطوره سنی کتور دیشلر و مهرانده آنک اوزرینه کلش مهرانه برنجی دفعه ده جانفسک لزومی اولدیغنی سولندکن صکره تکرار نه ایچون کلش رئیس بک - (مهرانه خطاباً) جدی بک خانہ سنہ قاج کره کتدیکنز

مهران - برکه کتدم اوده عربله لق قوسندن سؤال ایتدم صکره اورالده پیاسه ایتدم کزدم جدی بک - مهران پیاسه ایتدیکنی کزدیکنی سویلیور بونلر مثلدن عبارتدر شمدی وکیللری افندیلن ایشتدیده سویلیور حق عاجزانه مده وقوعبولان تحقیرات وتشهیرات کیسه نک حقنده وقوعبولامشدر مهران عربله قاج غروشه طومش ونه صورتله طولاشمشدر سؤال بیوریکز قولولیان افندی - جدی بک کندینی بوراده مدعی عمومی ظن ایدیلور حالبوکه کندوسی بوراده مدعی عمومی دکلدلر مظنون علیه صقنده در مدعی عمومی کی بزدن سؤال ایتکه حتی یوقدر وفکرنده ده یا کاشدر بزادعا مزنی درمین ایتک بک افندیده مدافعه سی هر نه ایسه سویلسون جد بک - اقدام بالواسطه طرف ریاستدن سؤال ایتدیردم

قولولیان افندی - افکارلری یا کاشدر سویلسونلر صکره جوابنی ویره جکم رئیس بک - (جدی بکه خطاباً) مدعی شخصی وکیلی حقوق شخصیه سنی سویلیدی بوکا مدافعه کزنه ایسه سویلیکنز بعده صوراجفکر سویلیه جککز برشی وایسه صورار و سویلیسیکنز

اسعد افندی - مؤکلک جدی بک علیهنده اقامه اولنان دعوی اوچ نوعدر بونلردن (برنجیسی) مهرانک ضرب مسئله سی درکه بوندن طولایی تحدید مجازاتی طلب اولمشدر اول امرده دعوانک طوغری اولدیغنی اثبات ایدو بده صکره تحدید جزایی طلب ایتلی حالبوکه دعوانک خلاف واقع اولدیغنه مهرانک دائره استنطاقده و محکمه ده کی افاداتی دلیلدر چونکه برکه بووقه نک عقینده طوتیلان ژونالده مهران کندوسی ایکی صقاللی ایله بر اونباشی دوکدیکنی سویلیدی استنطاقده کی افاده سنده ایچرویه دلیلر جدی بک بکا بر توفاد اوردی برده قرنداشی اوردی صکره اونباشی ایچرویه کیدی بنی یه یاتردی دوکدی بر ایکنجی افاده سیده وارکه اوچی بردن بنی یاتردیلر دوکدیلر کیلرک ضرب ایتدیکنی بیله م بر زمانده و بر مکانه وقوعبولش بووقه حقنده اوچ درلو سوز سویلنسی تناقضدر و بوتناقص سببیله کندی دعوارینک ردی لازمکلور زرا تناقض دعوی رد ایدر کندی افاده لری دعوارینک مصنع و مزور برشی اولدیغنی کوستریور کو یا مؤکلک دیشکه مهران جدی افدینک اوینه کتمش اولسه ایدی جدی افندی قائل اوله جقمش بو بر ادعادرکه مدعی عمومی ایلکندن تحقیق اولتمق لازمدر بوندن نه معنی چییقار اکر مؤکلک مهرانه برخصومتی اولدیغنی میدانه قویق ایچون بیسان اولنمش ایسه بو دلیل طوغری دکلدلر بر دعوانک دیگر دعوایه دلیل کوستریسی اوله مزخارجدن دلیل اولسی لازمکلور مؤکلک نه مهرانی ضرب ایتش ونه ده جدی افندی حقنده بویله برسوز سویلشدلر

جدی بک - کندینی بیله که اقتداری اولمیان بر آدمک ۰۰۰۰

اسعد افندی - (جدی بک افاده سنی کسدرک) مهران کندوسی کیم دوکدیکنی تعیین ایده میوردی و بویا بده اوچ درلو سوز سویلیوردی شمدی مؤکلک دوکدیکنی سویلیدی نندن ایجاب ایدیور

رئیس بک - (چال بکه خطاباً) سزک مدافعکز چال بک - شمدیلک برشی یوق افندم

رئیس بک - (عزت افندی یه خطاباً) سزک مدافعه کز

اسماعیل افندی - رفیقمز قولولیان افندی حبه بی قبسه ایدرک برچوق سوزلر سویلیدی بونلرک جوابلر بنی منطقه تطبیقاً محکمه یه عرض ایده جکم مؤکلارم ضابطه مأمورلر نندلر چهیت بشر به نک ضبط ور بطنه مأمور اولنلر ایکی قسمدرکه بر قسمی افعال ممنوعه نک بعدالوقوع فاعلر بنی تأدیبایدر محکمه لری بر قسمیده قبل الوقوع برجرمک میدانه کلسنی منع ایدرکه مؤکلارم کی بنم مؤکلک برجرمک وقوعی ملحوظ ایکن چقمسنی منع ایلش وظیفه مأموره سنی اجرا ایتش صد هذار تأسف اولنورکه مؤکلک شمدی مظنون علیه صندالیه سنده اوتورمشدر بونلرک برجرمی وقوعندن اول منع ایتکه مأمور اولدقلمر بنی سویلدم بونلر هر کیسه یساقدر طور کتمه دینجه اوکیسه اویساقدر سوزینه انقیاده اولقدر مجبوردرکه عادتاً اوسوز قم شهر یاریدن صدور ایتش کی تلقی ووقوعبوله جق امرینه قانون دائره سنده اطاعت ایده جکدر برضابطه عدلیسه مأموری برکیسه یه طور یساقدر دیرده اوکیسه اطاعت ایتزسه براییکی او جالی غیرالنم سایه

طابور لرله عسکرلر سوقيله او (طور بسا قدر) امری
جانب حکومتدن اجرا ایتدی بیلور ضابطه عدلیه نك
قانون دائره سنده اولان امرینه اطاعته جبر و شجرلر
دخی مجبوردرلر ضابطه شبهه ایتدیکی برآمده طور
کنمه امرینی و پر ایسه انقیاد ایدلسی مجبور یدر
مهران عربه ایچنده سکر حالنده ایش حتی روایته
نظراً عربده سکره متعلق شیلدره وارمش
جدی بک افندی محکمه دن اون یرده
چیتقهرق اوینه کلور جمال بک بوآدمدن
شبهه ایتدیکنی سویلر جمال بک بوفکری حقیقه
مصیبت اوله بیلور که برسوه قصدده بولنه بیلور
چونکه مدعی عمومیلر قانونک جسم معنویسی مقامنده در
قانونک منع ایتدیکی فعلی ارتکاب ایدنلر علیهنده
ادمای مجازات ایدرلر او مقوله لری حبس ایتدیرلر
برمظنون و یا محکومک اقر بامی سائته جهاتله
اوله بیلور که اخذ انتقام ایتک ایستر ایشته جمال
بکده بویله برسوه قصد خاطره سیله احتیاطه رطایه
مهرانک کوز التسه التسنی احد اونباشی یه امر
ایتمشدر چونکه مهران دفعاتله کله رک کندوسی
صورمشدر شمعی بیچاره اونباشی نه یاپسون
الدیغی شوامر اوزرینه وظیفه سنی اجرا ایتسه
مسؤل اولور ایدرده مهرانی طوتارسه کوزینه
یومروق ایله اوررلر رفیقیز قولولیان افندی بونی
تاویل ایتک ایستیه رک مؤکمله جدی بک متفقاً
مهرانی ضرب ایتشدرلر دیور ضبط اولنان افادات
ایله مهرانک حالندن مضروب اولیوب بالعکس
اونباشینک ضارب اولدیغی اکلاشیلور برشینک
امور معنویده دلالتی اوشینک مقامنه قائم اولور
مهران اوسته سندن هفته ده سکسان غروش الور
بر اوشا قدر و یوم وقوعات ایسه چهارشنبه در

جمعه دکل بازار دکل ایام مخصوصه دکل واقعا
سایه شاهانه ده کجه کوندز هرکس کزرقظ کزه چکی
بر وار کزه چکی وقت وار بن کجه ساعت ایتده
کزسه م یاخود ستمک خارچنده کزسه م البته شبهه
اولنور باغلباشی ایله جدی بکک خانه سی ره سنده کی
مسافه بونظارت دائره سنک بر باشندن او بر باشنه
قدر بر یردر بویله هفته ده سکسان غروش الان برآدم
او قدر بر یره کتمک ایچون عربیه سکز غروش
و یرر طولاشورسه بوندن نه معنی استخراج اولنور
هرکس باغلباشنده پیاسه ایده بیله جکنسه دائر
وکیل افندی نك مطالعه سی و پر دقیقه محله کتمک
ایچون عربیه سکز غروش و یرمسی پیسه ایچون
اولدیغی عقول سلیمه اصحابنک قبول ایدمیه چکی
احوالدندر مؤکلم احمد اونباشی اولقدر
مشکل برحالده قالمشدر که وظیفه مأور، سنی ایفا
ایده چکی یعنی مهرانی در دست ایده چکی صره ده
مهران کوزینه یومروق اور یر یاغنی عربیه
چکنتیر جان هرشیدن اقدمدر کوز نازک رنقطه در
جواهر قوانک انک نازکیدر مؤکلمک کوری شیشر
وکوزینی سیلر و جعنه تحمل ایدرینه وظیفه
مأموره سنی ایفاده قصور ایتز چونکه کوزینک
شیشنه جاننک در دینه دوشسه ده بون براقسه
وظیفه مقدسه سنی غیب ایتش و پک بولک بوظیفه سزلاک
ایتش اوله جغنی بیلدیکنندن بر اقامشدر مؤکلمک
عربیه بول و یرمامک اوزره در دست بولنده کی
حرکتی مع التأسف و من التأسف بیان ایدر مکه یار فقیه
اکلاماش و یاخود اکلامق ایستیمورده بأمولنک
حلافنده بر ادعاده بولنور مهرانی دوکش اولدیغی
من کل الوجوه وجدانک قبول ایده میه چکی بکیقتدر

ایکنجی درجده ایچورده دوکش کیم دوکش
مؤکلم ایله (جدی و جمال بکری کوسترک)
بک افندیلر دوکش همده یاتر و بده دوکش بویله
برشی قانونی تر بیه بی مدینتی کور مامکه مخصوصدر
مؤکلم وظیفه سنی بیان برآدم اولدیغی کبی بک افندیلر
هم درایتلی و همده ناموسلی ذاتلدر مادامکه
مهرانی ایچوریه المشر برده لری ایتدیره رک یره یاتر مشلر
او حالده بر توقاد ایله اکتفا ایتیب هرچه بادا باد
دیهرک والرینه بر قوجه سبورکه صاپی الهرق
او یله بر طایق اتارلر ایدیکه حالمز بحال مسرقالوردی
و ککندیسنده ده اثر ضرب بولنوردی
دیمک که بویله بر حال و قوعوبلما مشدر احوال موجوده
ایله مهرانی دوکش کلری اکلاشله یور هیئت
عدلیه جه مؤکلم عزت افندی نك درایتی مسلدر
مهران جدی بکک خانه سنه کتمش اوراده جمال
و جدی بکک ایله احد اونباشی طرفندن ضرب
ایدلیدیک سوسولش صکر ژورنال ایدلک اوزره
قره غوله کتورلمش اوراده ده عزت افندی نك
دو کدیکنی بیان ایتش محکمه هیئتی او وقت اوراده بولنسه
ایدی هیئتکزه در برشی عطف ایده جنکده شبهه یوغیدی
بو آدم کندی فعلی یعنی اونباشی بی دو کدیکنی
سز ایتک ایچون جهنم طاشی کبی هر زریه
سورنسه یاقار . بنی عزت افندی قره غولده
دو کدی دیور قره غولک اطراف اربعه سی
جامکاندر قبولی هر وقت آچیق طورر بویله بر محله
آدم دو کیلورده کیسه کور مزحی عزت افندی مهرانی
قره غولده دو کدی دینلسی عزت افندی بی بوبابده
مهران عیله ایده چکی شهادتدن دوشورمک
ایچوندر چونکه حضور محکمه ده عزت افندی طبیعی

شهادت ایده چک بوندن طولانی مهران جزالندیر.
یله جق بونک بویله اولماسی ایچوز مؤکلم عزت افندی
علیهنده ده او یله بر سوز سولشدر قره غول محافظه
ایچوندر قره غولدن مهرانی المقی ایتدیلر قره غوله
برمظنون کلور آنی حفظ ایدرلر رئیس افندی حضر تلی
شمعی بریسی مهرانی ورره ایدی وظیفه سز لکلرندن
طولانی مؤکلم بجه تقدیر مسؤالیته و معنوی بجه تقدیر سوء
تأثیری اولوردی
مدعی عمومی - (رئیس بک افندی حضر تلی نه)
اسماعیل افندی افاده سنی و طور و حرکتی تعدیل
ایتسون مدافع سنی قانون دائره سنده سولیسون
رئیس بک - (اسماعیل افندی یه خطاباً) قانون
دائره سنده سولیکز
اسماعیل افندی - احد اونباشی مهرانی قره غوله
کوتورر ایکن برطاقم کسان کلور مؤکلدن مهرانی المقی
ایستلر بونی عربیه جیلر ایله اثبات ایده چکز شمعی
رئیس بک افندی مؤکلم مهرانی کوتورر کن بش
التي کشی طرفندن قوللرندن طوتلسی مداخله
دکلیدر کرچه رفیقیز قولولیان افندی بونی مداخله دن
عدایتمیه رک قره غولخانه نك باصلدیغنی سولیکده ایسه ده
بجبار مأمورک بش التي کشی طرفندن قوللری طوتلسنه
مداخله دینلر ایسه مداخله نه کبی شیدر تعریف ایتسو
نلرده اکلایه لم اگر مداخله دیمک طوغربدن طوغری یه
الرنده سلاح اوله رق یعنی قوه مسلحه ایله بر مأمورک
الندن آدم المقی ایسه بونی بیلور بزم ظنزه کوره هر فصل
اولور ایسه اولسون بر مأموری اجرای وظیفه دن منع
ایتک مداخله دیمکدر بونک ایچون مهرانی المقی
ایستیان کسان حقنده لازمکلان معامله قانونیه محکمه
علیه کزک اول امرده دوشنه چکی بر وظیفه در تأسف

اولنورکه موکلرمک جدی بکله قلمده مشترک اولدقوری ادما اولنور جرمدن نندن اشتراک بولنور مدعی عمومی بک ماده بی اوقوسون تطبیق ایتسون کورلم مدعی عمومی - اوجهت ذاتاً بکنکی محاکمه ده عزت افندی طرفندن درمیان اولمش و محکمه جه قرار دخی و یریلرک تفهیم اولمشدر بوبابده اسماعیل افندی سوز سولسی زائددر محاکمه ده دوام اولنسی لازم کلور

اسماعیل افندی - بنده کز ضبطده اوبله برقرار کوره مدم قانون دیورکه اول مرجع ماده تعیین اولمیدر بوبله برقرار مؤکله تبلیغ اولنماشدر اول باول تحت قراره النان نه دیو کدر یابزم وظیفه من یادیکرینک بوبله برقرار وارسه تفهیم لازم رئیس - ضبطده برقرار وارد

مدعی عمومی - قرار اوقونسونده اکلاسون رئیس بک - (ضط کابنه) اوقراری بولیکزده اوقویکز

ضبط اوقنور وعزت افندی بکنکی محاکمه ده وقوعبولان افاده سی اوزرینه بعدالندا کوره شو ضرب دعوارینک جرائم مشترکه دن اولوب اولدیغی تحقیقات نتیجه سننده اکلاشیله جفندن بحثله محاکمه ده دوام اولنسنه قرار ویرلدیکی اکلاشیلور

اسماعیل افندی - شو قرارندر قانون جرم مشترکی تعریف ایدور نتیجه ده جرم مشترک اولدیغی بنده کز اوصره کلکسزین اثبات ایدیم یعنی فعل ايله تعريفی تطبیق ایدیم اوقونسون ماده قانونیه حل ایدلم مؤکلرم نندن بدایت حقی غائب ایتسونلرده محکمه علیه کز حضورنده محاکمه اولسونلر مدعی عمومی - محکمه اوقرار موجبجه صره سی

کلدیکنده ایجاب قانونیسی اجرا ایدر شمدی محاکمه ده دوام اولنسون

اسماعیل افندی - قانونده صراحت وارد مرجع دعواسنه ویریلان قرار مدعی ومدعی علیه راضی اولور سه قبول اولنور شمدی جرم مشترکی تعریف ایدلم جدی بک افندی نك آدم دوکدیکی نندن جرم مشترک اولور مدعی عمومی دوکدی بریکی ایاغنی طوندی بلم نه اولدی جدی بک ایشدن ال چکدرلدی حبه قبه اولدی مهران بنم مؤکلر احد اونباشینک کوزینه اور رسه مؤکلر انی زویه ککوتورر بوکا عدالت راضی دکدر بوجرم مشترک دکدر قانون اوقونسون حقوقی محافظه محکمه کزه عائددر جرم مشترک اولوب اولدیغنه برقرار ویرلسون جرم مشترک تحقیقات ايله اکلاشیلر تطبیقات ايله اکلاشیلور ادما اولنان ماده ايله عبارة قانونیه تطبیق ایدلسون

مدعی عمومی - ضبطده قرار اولدیغی کلادیلر شمدی محاکمه ده دوام اولنسی لازم کلور

رئیس بک - مذاکره ایده چکر مدعی عمومی ومظنون علیهم ايله وکیلری وسامعین ساعت سکر بچقده طیشارویه چیقیدیلر اره دن یارم ساعت بکد کدن صکره چیغفران چاللوب اوطه نك قیوسی اچیلررق هرکس ایچویه کیردی رئیس بک - (اسماعیل افندی به خطاب) اولجه تحت قراره الندیغی اوزره محکمه تدقیقتی اجرا ایتد بکده وظیفه مسئله سنه قرار ویره من

اسماعیل افندی - پکی افندم یالکز بزشمی جرم مشترک زوده اولدیغی اثبات ایده چکر مهران قهوه یه کلور قهوه دینلان محل جدی بک خانه سنه یقیندر مهران اوراده عربه جی به سکر غروش ویره رک مدعی عمومی خانه سنه کید، حکم دیر اوحالده مهران سکر حالیه عربه ايله کسدرایکن اونباشی عربه طوغری قوشار مهران عربه جی به

حیرلی سور دیر صکره احد اونباشی جدی بکک خانه سنک اوکنده ییشبور اوراده کی قهوه جی مهرانک قرداشی وانشته سی وفاملیاسی خلقی کلور مهرانی زویه کتور یورسک دیرلر اوصره ده مهران مؤکلر کوزینه بومروق ايله اورور ویاغنی عربه یه چکنتیر بوبله کیجه ساعت برده ایکی ثابله ک بر محله کتمک ایچون مهرانک عربه یه سکر غروش ویرمسیده جدی بکک حقیقه برسوه نیتی اولدیغی ایما ایدر مع مافیه قهوه جی وانشته سی نه ایسترلر ککه ارقه سندن کلورلر

مدعی عمومی - بوجهت جدی بک عائددر اسماعیل افندی مدافعه یه حقی یوقدر

اسماعیل افندی - مدعی عمومی افندی دائماسوز بی کسمک ایستیور بن مدافعه ایده حکم وکیل افندیلر مدافعه ایدر کن سوزلرینی کسمکه مدعی عمومی حقی یوقدر

مدعی عمومی - بن کسمیورم قانون کسیر اسماعیل افندی صد ددن چیقا یور

رئیس بک - (اسماعیل افندی به خطاباً) سز صد ددن چیقا یور سکر مدعی عمومی سزک مدافعه کزی کسه من اونی محکمه کسه جک محکمه ایسه سزه دوام ایدیکز دیور


اسماعیل افندی - مهران عونیه سیله برابر مؤکلی ضربه اجنسسار ایدرلر بر آدمی دوکک ندر قانونک منع ایتدیکی فعلی یا بق ویاخود تشبث ایتکدر بونلر جمعیتله کیده رک وایچلرنده ال زیاده قهوه جی کر قور دینلان آدم فریاد ایدرک ومهران معتبر آدمدر زویه کتور یورسکر دیره رک مهرانک قره غوله کتورلمسنی منع ایتک ایسترلر والریله مؤکلر یقاسندن طوتارلر ایشته بونلرک حرکتی جرم مشترکدر سایه شاهانه ده دکل آدملر حجرلر شجرلر بیسه

قانونه مطیعدر عسکرلرله ازمنی ارقداشلمزک بیننده منازعه وقوعبولور بزم مؤکز هیئت علیه کزک عدالتندن امیندر ایشته بونلرک قوم وقبیله مدعی عمومی قیوسی اوکنه کلسی البته برسبیه میندر مؤکلر بونلری براقش اولسه حقوق عسکریه پایمال اوله جق اوحالده بونلری طوبلار قره غولخانه یه کتورر بوجهت تحقیقات اولیده ده مصر حدر عزت افندیک ضارب اولدیغی حالده حقیقه اولان شاهدر بکنکی محاکمه ده سامعین صره سننده بولنور مؤکلر قلب سلیمه باقیکز ایشته رئیس افندی مجلس محاکمه یه شاهد کلور می دیو کستر مهران ايله فاملیاسی خلقنک رسماً پیاسه محلی اولمیان بریده ایشلری ندر بونلرک جمعیتله اورا یه کلسی اوجمیتک اوراده طویلا نسی حقوق عمومیه یه طوقنمی بونی مدعی عمومی نیچون ادما ایتیمور (مابعدی وار)


اعلان

کوتاهیه سنجاعی بدایت محکمه سی حقوق دائره سی ریاستندن

دولت علیه تبعه سندن اوزک اوغلی استبان وکیل سرکس افندی طرفندن علیه کزده اقامه اولنان دعوانک رؤیتی تاریخ اعلاندن اعتباراً اون سنجی کونی ساعت التي راده لرنده حقوق محکمه سنجه محاکمه سی اجرا قلنه جفندن یوم ووقت مزبورده بالذات کلکز ویاخود مصدق سنبله بروکیل کوندر مرکز زومی اخطار اولنور دیو محرر اولان فی ۲۸ صفر سنه ۱۳۰۳ وفی ۷ کانون اول سنه ۱۳۰۰ تاریخلو دعوتیه ورقه سی صوریندر



اعلان کیفیتہ ابتدار اولنور
فی ۲۹ صفر سنہ ۳۰۲ و فی ۵ کانون اول سنہ ۳۰۰




بیک اوچیوز سنہ سی مارتک یدنجی چهارشنبه
کیچہ سی چکچہ صغیر قضا سنہ تابع صوبی
ناحبہ سنہ مکر برغوس قریہ لی میخانہ بی
دیمترینک ضرب و جرح اولنہرق متأراً وفات
ایتمسندن طولابی مظنون علیہ اولوب مکر برغوس
قریہ سنہ مقیم قیصہ بویلی ترقرہ یقلی اسر بوزلی
قرہ قاشلی الا کوزلی تبعہ ایرانیہ دن اون سکر باشنده
فراری علی خانک فعل مذکورہ جرأت یلدیکنه
دائر اوراق تحقیقہ دہ دلائل و اخبارات کافیہ
موجود بولنش و حرکت واقعه سی قانون جزانک
بوز یتش یدنجی مادہ سی ذیلی حکمی مستلزم افعال
جنائیہ دن بولنش اولغله مرقومک چتالجه بدایت
جزا محکمه سنده محاکمہ سی اجرا اولنق اوزره
جنایتله اتهامنه متفقاً قرار و برلش اولدینندن
فراری مرقوم علی خانک هرزده کور یلور ایہ
طوتیلوب محکمه مذکورہ حبس خانہ سنہ تسلیمی
لازم کله جکی بالجمله ضابطه عدلیہ مأمورلرینک
معلومی اولق ایچون اشبو اخذ و گرفت امری در
سعادت محکمه استینافیہ سی هیئت اتهامیه سندن تسطیر
واعطا اولندی

فی ۴ ربیع الاول سنہ ۳۰۲ و فی ۱۰ کانون اول سنہ ۳۰۰



بیک اوچیوز سنہ سی مارتک دردنجی بازار ارتسی
کیچہ سی ساعت درت و بش قرار لنده بک اوغلنده

فروخت ایندیر یله جکی بک اوغلی بدایت محکمه سی
اجرا مأموریتی جانندن اعلان اولنور
فی ۱۵ کانون اول سنہ ۳۰۰



بک اوغلی بدایت محکمه سی برنجی حقوق دائره سندن
غیباً صادر اولان فی ۱۹ تشرین ثانی سنہ
۹۷ تاریخی اعلامده یونان دولتی تعه سندن
اووقات موسیو روطه طرفندن اعطا اولنسان
عرض حالده غلطه ده بکی جامع شریف حاده سنده
تونل اتصالیانده متصرف اولدیغی یکریمی درت
نومرولی بر باب مغازه تونل قومپانیہ سی طرفندن
هدم ایندیرلش اولدیغندن پخشله منهدم اولان اینده
ایله ایام معطله اجاره سنک و ضرر روز یانک مع
مصارف محاکمه تونل قومپانیہ سندن تحصیل استدا
اولتمسندن ناشی موسیو الیه موسیو الیه تونل
قومپانیہ سی دیرکتوری موسیو البرینلرنده تکون
ایدن منازعه تیجه سنده آنف الذکر مغازه تونل
قومپانیہ سی طرفندن بلاخیر هدم اولندیغی و عند
الکشف بونک بدل مثلی بشیوز یکریمی بش عثمانلی
لیراسی بولندیغی کبی شهری درت بیچق لیرا اجاره
دکری اولدیغی اکلاشلش ایدوکنندن بدل اصلی
اولق اوزره تخمین ایدیلان بشیوز یکریمی بش عدد
لیرا ایله مذکور مغازه نک انهدامی اولان طقسان
برسنه سی تشرین اولنک برندن طوقسان یدی سنہ سی
مارتی بر بنه دکن مرور ایدن بش سنہ و بش آی
ایچون بر موجب بدل ایجاری اولق لازم کلان
ایکیوز طقسان ایکی بیچق لیرا ایله براتونل
قومپانیہ سی اداره سندن تحصیلله موسیو روطه یه
تسلیمه حکم اولندیغی محرر اولوب حکم اعلامک

فریدن جاده سنده ماشقلز قاغنده یونان دولتی
تعهد سندن قسطا کینک کریمه سی التقو خاتونک
تحت تصرفنده اولان خانہ بی استیجار ایدرک عمداً
احراق ایتمسندن طولابی مظنون علیہ اولوب وادی
فرارده بولنان اوزون بویلی اورنه النلی کوچک
برون و اغزلی الا کوزلی مدور چکله قرال صایح
وقاشلی بغدادی بکزی روم ملتندن تخمیناً اوتوز بش
باشنده اسبرونک فصل مذکوری ایقاع ایلدیکنه
دائر اوراق تحقیقہ ده امارات کافیہ موجود بولنش
و حرکت واقعه سی قانون جزانک بوز التمش اوچنجی
ماده سی حکمی استلزام ایدر افعال جنائیہ دن
بولنش اولغله اول وجهله در سعادت محکمه
استینافیہ سی جنایت فسمنده غیباً محاکمہ سی اجرا
اولنق اوزره جنایتله اتهامنه متفقاً قرار و برلش
اولدیغندن متهم مرقوم فراری اسبرونک هرزده
کور یلور ایسه طوتیلوب محکمه مذکورہ
حبس خانہ سنہ نقل و تسلیمه دائر اشبو اخذ و گرفت
امری در سعادت استینافیہ سی هیئت اتهامیه سی
جانندن بالتسطیر اعطا قلمشدر

فی ۹ ربیع الاول سنہ ۳۰۲ و فی ۵ کانون اول سنہ ۳۰۰



خررستونک $\frac{۲۰۱}{۱۱۹}$ نومرولی اعلام موجب بجه مریم
قادینه دینی اولان مبالغ معلومه نک تسویہ سی
ضممنده بیوکدره قریه و جاده سنده واقع ۱۱۰
نومرولی بر باب خانہ و ۱۱۲ نومرولی بر باب
دکان و ۱۱۴ نومرولی میخانہ ده طقوز حصه
اعتبار یله متصرف ولدیغی ایکیش حصه شایعه سنک
تاریخ اعلانن اعتباراً اون بش کون صکره بالمزایده

اجراسی طلب اولمسندن طولانی بر موجب قانون
مومی الیه موسیو البره کوندر یلان اخبارنامه
اوزرینه مبلغ مزبورک تسویه سنه صورت
کوسترلدیکندن بک اوغلنده شاه قولی محله سنده
تونل میداننده واقع مکرر ایکی نومرولی بر باب
دکان ایله درت والی نومرولی دیگر بر باب دکانک
جز یله فروختی داتن مومی الیه طرفندن باعرضحال
استدما اولمسنه بناء مذکور دکانلرک فروختی
بک اوغلی بدایت محکمه سی ریاست اولیسی جانبندن
اعطای اولنان قرار مقتضاسندن بولمغله تاریخ
اعلان اعتباراً اون بش کون صکره سالف الذکر
مکرر ایکی ودرت والی نومرولی ایکی باب دکانلرک
بالمزایده فروختنه تشبث اولنه جغی بک اوغلی
بدایت محکمه سی اجرا مأموریتی جانبندن اعلان
اولنور فی ۱۵ کانون اول سنه ۱۳۰۰

تسویه سی ضمننده مدیون مر قومک عهده سنده
بولنان طرایبه ده باغله موقعنده واقع بوز یکر می
درت نومرو ایله مرقم تخمیناً طقوز دوئم مقداری
برقطعه حالی نر لاسنک تاریخ اعلان اعتباراً
اون بش کون صکره فروختنه تشبث اولنه جغی
اعلامات شرعیه اجرا دائره سنندن اعلان اولنور
فی ۲۰ کانون اول سنه ۳۰۰

~~~~~

عثمان نجمی بکک برنجی حقوق دائره سنندن بدایتاً  
صدور ایلوب استیتافاً تصدیق اولنان اعلام  
موجبجه ویرکو امانتی اراضی مونوفه قلی  
باش کاتبی رفعتلو حافظ محمد عارف افندیکن کفالتیله  
مطلقه سی فطنت خانم ذمتنده اولان الاجغی  
مقابلنده مرهون وصایتیلوب بدلندن تسویه دین  
ایتدیرلمسی محکوم بولنان التون زنجیرلی اولوب  
کوکرینه اوزرینه مصنع برقطعه الماس یله زیبکک  
برنجی مزایده سی اشبو کانون اولک یکر می در دنجی  
بازار ایرتسی و یکر می التجی چهارشنبه و یکر می  
طقوزنجی جمعه ایرتسی کونلری قیومجیلر چارشو سنده  
قیومجی اصنافی کتخداسی دکاننده مأموری مواجهه  
سنده مزایده علنیه سی بالاجرافروخت اولنه جغی  
جهتله طالبلرینک ام مذکورده کتخدا دکانه  
مراجعت ایتلری در سعادت بدایت محکمه سی اجرا  
دائره سنندن اعلان اولنور

فی ۲۰ کانون اول سنه ۱۳۰۰

~~~~~

احد بکک $\frac{۲۰۱}{۲۱۸}$ نومرولی اعلام موجبجه ابراهیم
افندی به دینی اولان مبلغ معلومه نک تسویه سی
ضمننده در سعادتده بایزید جوارنده امین بک
محله سنده ۱۳ نومرولی خانه ده متصرف اولوب
فروختی محکوم اولان فصف حصه شایعه سنک
تاریخ اعلان اعتباراً اون بش کون صکره
بالمزایده فروختنه تشبث اولنه جغی بک اوغلی
بدایت محکمه سی اجرا مأموریتی جانبندن اعلان
اولنور فی ۱۷ کانون اول سنه ۳۰۰

~~~~~

امینه عزیزه خانمک حسین راتب افندی ذمتنده  
با اعلام شرعی الاجغی اولان مبلغ معلومه نک